

## Scrúdú cainte: Bonnleibhéal 2 (A2) Cuid 2

### Rólghníomhaíocht 1 Turas Scoile

Bhí do mhac ar thuras scoile go Páirc an Chrócaigh le déanaí. Freagair ceisteanna an scrúdaitheora faoin turas scoile. Nuair a bheidh an méid sin déanta, cuir tusa ceist ar an scrúdaitheoir faoi thuras scoile a rinne iníon an scrúdaitheora le déanaí.

#### Cárta an iarrthóra (2A)

##### Turas scoile: Páirc an Chrócaigh



**Dáta:** Céadaoin, 2 Aibreán  
**Am:** 9.30 - 2.15  
**Costas:** €7.50 gach páiste  
**Lón:** Bialann (ceapairí / deoch)  
**Thaitin:** Cluiche ar an pháirc...  
**Níor thaitin:** An aimsir mar...

#### Comhrá samplach

S: Cén lá a bhí an turas ar siúl?

I: Ar an Chéadaoin, an dara lá d'Aibreán.

S: Cén t-am ar fhág siad an scoil?

I: D'fhág siad ag leathuair tar éis a naoi ar maidin agus d'fhill siad ag ceathrú tar éis a dó.

S: An raibh costas ar an turas?

I: Bhí. Chosain sé seacht euro caoga ar gach páiste.

S: An raibh ort bosca lóin a chur leis?

I: Ní raibh. D'ith siad lón i mbialann. Bhí ceapairí agus deoch acu.

S: Ar thaitin an lá le do mhac?

I: Thaitin sé go mór leis mar fuair siad seans cluiche beag a imirt ar an pháirc le scoil eile.

S: An raibh aon rud ann nár thaitin leis?

I: Bhí an aimsir go dona. Bhí sé ag cur báistí an lá ar fad beagnach.

S: Is mór an trua sin.

Anois, tá cárta eile ag an scrúdaitheoir, cárta faoi thuras scoile eile a rinne iníon an scrúdaitheora le déanaí. Cuir tusa ceisteanna ar an scrúdaitheoir faoin turas scoile sin.

#### Cárta an Scrúdaitheora (2A)

##### Turas scoile: Zú Bhaile Átha Cliath



**Dáta:** Aoine, 5 Bealtaine  
**Am:** 10.00 - 2.45  
**Costas:** €8.50 gach páiste  
**Lón:** Picnic + uachtar reoite  
**Thaitin:** Na tíogair & na gorailí mar...  
**Níor thaitin:** An siopa mar...

### Rólghníomhaíocht 2 Cuntas ar chóisir

Bhí do mhac Eoin ag cóisir le déanaí. Freagair ceisteanna an scrúdaitheora faoin chóisir sin. Nuair a bheidh an méid sin déanta, cuir tusa ceist ar an scrúdaitheoir faoi chóisir ar fhreastail an scrúdaitheoir uirthi le déanaí.

#### Cárta an iarrthóra (2A)

<b>Cuntas ar chóisir</b>	
	<b>Ócáid:</b> Breithlá / col ceathrar Síle (10)
	<b>Áit:</b> Bialann (piótsaí) + pictiúrlann
	<b>Dáta /am:</b> Satharn, 1 Feabhra, 2.00- 4.30
	<b>Bronntanas:</b> Cluiche / milseáin
	<b>Thaitin:</b> An scannán mar...
	<b>Níor thaitin:</b> An bia mar...

#### Comhrá samplach

S: Cén fáth a raibh cóisir ar siúl?

I: Bhí breithlá ag Síle, col ceathrar Eoin. Bhí sí deich mbliana d'aois.

S: Cá raibh an chóisir ar siúl?

I: D'ith siad piótsaí i mbialann ar dtús agus ansin chuaigh siad chuig scannán sa pictiúrlann.

S: Cén uair a bhí an chóisir ar siúl?

I: Ar an Satharn, an chéad lá de mhí Feabhra idir a dó agus leathuair tar éis a ceathair.

S: Ar thug sé bronntanas do Shíle?

I: Thug. Cheannaigh sé cluiche ríomhaire agus milseáin di.

S: Ar thaitin an chóisir le hEoin?

I: Thaitin an scannán go mór leis. Is breá leis scannáin faoi ainmhithe.


S: An raibh aon rud nár thaitin leis?

I: Níor thaitin an piótsa leis ach fuair sé sceallóga agus sailéad agus bhí sé breá sásta ansin!

S: Go deas.

Anois, tá cárta eile ag an scrúdaitheoir, cárta faoi chóisir eile ar fhreastail an scrúdaitheoir uirthi le déanaí. Cuir tusa ceisteanna ar an scrúdaitheoir faoin chóisir sin.

#### Cárta an Scrúdaitheora (2B)

<b>Cuntas ar chóisir</b>	
	<b>Ócáid:</b> An rúnaí / ag éirí as obair
	<b>Áit:</b> Teach tábhairne (bia + ceol)
	<b>Dáta /am:</b> Aoine, 10 Lúnasa, 8.00 i.n.
	<b>Bronntanas:</b> Deireadh seachtaine / óstán / Gaillimh
	<b>Thaitin:</b> An ceol mar...
	<b>Níor thaitin:</b> An bia mar...